

中国文献珍本丛刊

明代经济文录三种（十二）

全国图书馆文献缩微复制中心

责任编辑 姜亚沙

中国文献珍本丛刊

明代经济文录三种（全十二册）

出版者

全国图书馆文献缩微复制中心
（北京文津街七号）

印刷者

临京古籍印装厂

发行者

新华书店北京发行所

印刷日期

二〇〇三年八月

印数

一—一〇〇

定价

五六〇〇元

未经授权 不得翻印

明代经济文录三种目录（十二）

皇明名臣经济录

卷十		一
卷十一		六七
卷十二		一四一
卷十三		二一七
卷十四		二七一
卷十五		三五五
卷十六		四四五
卷十七		五三五
卷十八		六二九

皇明名臣經濟錄卷之十

禮部一

總論禮樂之道

丘濬

禮儀之節

丘濬

進律呂元聲書

范永鑾

論律呂元聲書

楊廉

王朝之禮一

丘濬

王朝之禮二

丘濬

宗人府題名記

孫清

題傳奉事

倪岳

題選輔導預防閑以保全宗室事

馬文昇

提督學校條例

國子監禁革事宜奏

章懋

南京吏部均選擢以勵庶官事

明教

方孝儒

清入仕之路

丘濬

論制科

王鏊

郡國之禮

丘濬

皇明名臣經濟錄卷之十

監察御史樂城陳九德刪次

翰林編修常熟嚴訥校正

禮部

總論禮樂之道

丘濬

臣按宋儒朱熹上疏於其君謂遭秦滅學禮樂先壞漢晉以來諸儒補緝竟無全書其存者三禮而已周官一書固爲禮之綱領至其儀法度數則儀禮乃其本經而後禮記郊特牲冠義等篇乃其義疏耳前此猶有三禮等科雖不行而

士猶得以誦習而知其說自王安石棄罷儀禮
獨存禮記之一科棄經任傳不過習爲虛文以
供應舉若乃樂之爲教則又絕無師授律尺短
長聲音清濁學士大夫莫有知其說者而不知
爲闕也欲以儀禮爲經而取禮記及諸經史雜
書所載有及於禮者皆以附其本經之下具列
註疏折衷諸儒之說但私家無書檢閱無人抄
寫迄不能就而鍾律之制則士友間亦有得其
遺意者竊欲更加參考別爲一書以補六藝之
闕而亦未能具也

臣觀朱氏此疏所謂以儀禮

爲經而以禮記及諸傳附者雖不見用於時而其徒黃幹楊復蓋已私輯之以爲儀禮經傳通解所謂士友間有得鍾律遺意者則指蔡元定律呂新書永樂間已載之性禮大全書中則朱氏之言雖不見行於當時而實得表章於

聖世臣竊聞開國之初

太祖皇帝不遑他務首以禮樂爲急開禮樂二局徵天下耆儒宿學分局以講究禮典樂律將以成一代之制然當草創之初廢學之後稽古禮文之事諸儒容或有未足以當上意者當時雖輯

成大明集禮一書然亦無所折衷樂則未見有
全書焉古云禮樂百年而後興今承六聖太
平百有餘年于茲矣所謂

聖人在天子之位而制禮作樂者茲其時歟

禮儀之節

丘濬

臣按成周盛時以禮持世凡其所以建國而辯
方正位體國經野設官分職以爲民極者皆爲
之禮焉不徒以祭祀燕享冠婚賓射以爲禮也
太宰掌建邦之六典以治典爲先而禮典僅居
其一然其書不謂之治而謂之禮其意可見矣

秦漢以來則不然凡其所以爲治者皆謂之政
特以其所以施於郊廟朝廷學校而有節文儀
則者則謂之禮焉蓋三代以前以禮爲治天下
之大綱三代以後以禮爲治天下之一事古今
治效所以有隆汙之異者以此我

太祖皇帝初得天下於洪武元年即

命中書省暨翰林院太常寺定擬三禮明年再
命集議又明年編纂徵草澤道德文章之士相與考
命軍訂之以爲一代之制今書之存者大明集禮洪
武定制禮儀定式稽古定制及諸司職掌所載

者乞

命掌禮大臣著爲一書以

頒賜中外使天下後世咸知我

朝一代之制永永遵守亦俾後世作史者有所根

據云

進大樂律呂元聲書

范永鑾

題爲正大樂以復古樂事臣考之自秦焚六籍

之後律呂之學已失其傳而大樂之不正也久

矣治道之不古若良有以哉臣思已故教授李

文利本之劉恕通鑑外紀長孫無忌隋志并呂

氏春秋所載黃帝命伶倫取竹制律斷兩節間三寸九分而吹之以爲黃鍾之宮曰含少因而詳加考証以三寸九分正司馬遷黃鍾九寸之悞以太極陰陽五行由一以生二由少以及多見黃鍾數少爲極清以正宮聲爲極濁之誤以左右對待各得一百二十九分正三分損益上生下生至仲呂而窮之誤以正徵循環無窮正隔八相生往而不返之誤畫圖立說昭然可考初非無稽之空談實有據之定論顧編垂成而天不假之年殆將泯沒不傳矣其兄知縣李元

憫其志大而未遂也取而復加校補臣叔副使
范輅亦嘗同臣師事文利曾聞其槩迺互爲校
正成帙因其舊名律呂元聲書臣竊念本以膚
淺於此理茫然莫測其微奧今得此帙而觀之
恍若有得者大樂終不能晦故劉恕無忌呂氏
存其度於煨燼之餘而臣師李文利并其兄李
元臣叔范輅拳拳互相發明於大壞之後歟
臣思不爲之表白焉則文利之志終不能伸而
音樂之正否治道之污隆終無以考驗矣乃謄
寫上

獻如蒙乞

勅廷臣再加詳議如文利之所著果有裨於太樂下之所司試而行之誠千萬世之大幸而文利平生辛勤考究之功亦得以少見於天地間矣

論元聲書

楊庶

承惠寄校正兩山先生李公律呂書即其黃鍾三寸九分筭之由十一月之黃鍾至十二月之大呂增六分由大呂至正月之太簇增九分由太簇至二月之夾鍾增九分由夾鍾至三月之姑洗增九分由姑洗至四月之仲呂增九分由

仲呂至五月之蕤賓增九分由蕤賓至六月之
林鍾減六分由林鍾至七月之夷則減九分由
夷則至八月之南呂減九分由南呂至九月之
無射減九分由無射至十月之應鍾減九分由
應鍾復回十一月之黃鍾減九分其所增皆以
九分而所減亦皆以九分惟黃鍾之於大呂蕤
賓之於林鍾其所增減比之他律不同然實各
有至理蓋大呂當五陰之盛一陽始生則是陽
雖進而尚弱林鍾當五陽之盛一陰始生則是
陽雖退而尚強大呂林鍾固宜其增減僅得三

分之二也律管長短一本陰陽升降之氣所謂律曆同道於此乃見執事書序高文所謂黃鍾三寸九分升陽漸益至蕤賓而得九寸歸陽漸損至黃鍾仍得三寸九分所謂三分損益者以對待言隔八相生者以正徵言與夫所謂喉驪舌齒唇之聲證宮商角徵羽之音凡書之要一拈出以示人可謂透其關鍵而得其三昧矣今以司馬遷黃鍾九寸上下相生損益筭之黃鍾至大呂減六分奇大呂至太簇減三分奇大簇至夾鍾減五分奇夾鍾至姑洗減三分奇姑